



Na osnovu člana 13. Odluke o osnivanju Službe za zapošljavanje Srednjobosanskog kantona («Službene novine SBK/KSB, broj: 2/02, 2/04, 16/04, 15/12, 12/15, 7/16 i 13/16») i člana 14. Statuta Službe za zapošljavanje Srednjobosanskog kantona („Službene novine SBK/SBK broj: 5/02, 3/05, 9/13, 14/15, 03/17 i 12/18 te člana 3., 9. i 22. Pravilnika o stručnoj obuci, prekvalifikaciji i drugim mjerama za poticaj zapošljavanja), direktor uz saglasnost zamjenika ravnatelja, Službe za zapošljavanje SBK/KSB raspisuje:

JAVNI POZIV

za

sufinansiranje zapošljavanja i samozapošljavanja djece šehida i poginulih boraca 2020/2021.godina

I

U skladu sa mjerama za poticaj zapošljavanja i samozapošljavanja, ova Služba objavljuje Javni poziv za dodjelu bespovratnih sredstava poslodavcima koji imaju registrovanu djelatnost na području SBK/KSB i/ili nezaposlenim osobama prijavljenim na evidenciju nezaposlenih. Ciljna grupa Javnog poziva su djeca šehida i poginulih boraca prijavljena na evidenciji nezaposlenih Službe za zapošljavanje SBK/KSB prije dana podnošenja prijave na Javni poziv, bez obzira na stupanj obrazovanja, starosnu dob, spol, radno iskustvo. Služba će korisnicima sredstava (poslodavcima ili nezaposlenim osobama) sa kojima zaključi ugovor o sufinansiranju zapošljavanja ili samozapošljavanja, u narednih 12 mjeseci, isplaćivati poticajna sredstva u iznosu od 800,00 KM (mjesečno).

II

Podnošenje prijave za sufinansiranje će se vršiti putem općinskih biroa/ispostava Službe za zapošljavanje SBK/KSB. Sve potrebne informacije o prijavi, potrebnoj dokumentaciji za prijavljivanje nalaze se u Programu sufinansiranja zapošljavanja i samozapošljavanja djece šehida i poginulih boraca.

III

Pravo učestvovanja na Javnom pozivu imaju sve pravne osobe i pojedinci navedeni u mjerama programa, koji žive i obavljaju svoju djelatnost na području SBK/KSB.

IV

Rok za podnošenje prijave je 15 (petnaest) dana od dana zadnje objave Javnog poziva. Nepotpune i neblagovremene prijave neće biti razmatrane.

V

Vrednovanje prijave obavljat će se na osnovu Kriterija za vrednovanje programa za poticaj zapošljavanja za 2020. godinu, koji su sastavni dio Programa sufinansiranja zapošljavanja i samozapošljavanja djece šehida i poginulih boraca.

VI

Sa svim korisnicima sredstava ova Služba će sklopiti ugovor u kome će biti definisana prava i obaveze korisnika po ovom programu.

VII

Ukoliko se u predviđenom roku ne popuni planirani iznos sredstava, Javni poziv ostaje otvoren do konačnog utroška sredstava.

VIII

Program sufinansiranja zapošljavanja i samozapošljavanja djece šehida i poginulih boraca bit će objavljen u dva dnevna lista i na web stranici Službe www.szzksbsbk.com.ba.

Broj: 04-45-2065/12

Travnik, 11.12.2020. godine

zamjenik ravnatelja
Marinko Krajina dipl.ing.

direktor
Željko Lončar, dipl.oec.